

古今圖書集成

中華書局影印

第五一七冊
博物彙編
禽蟲典

鵠部	鴨部	鳧部	鴈部	鵠部	鵠部	鵠部	鵠部	鵠部	鵠部
	鵠部		鵠部	鵠部	鵠部	鵠部	鵠部	鵠部	鵠部
				鵠部	鵠部	鵠部	鵠部	鵠部	鵠部

鵠部	鵠部	鵠部	鵠部	鵠部	鵠部	鵠部	鵠部	鵠部	鵠部
鵠部	鵠部	鵠部	鵠部	鵠部	鵠部	鵠部	鵠部	鵠部	鵠部

Z 225
2

欽定古今圖書集成博物彙編禽蟲典

第二十四卷目錄

燕部彙考

燕圖

詩經羣風燕燕

禮記月令

爾雅釋鳥

春秋緯運斗樞

汲冢周書職訓解

大戴禮記夏小正

禽經夏小正

古今注燕別名

抱朴子僊藥篇

述異記燕胡蝶

酉陽雜俎燕

中華古今注燕別名

物類相感志燕

補禽經燕

埤雅燕

爾雅燕

本草綱目燕得名集解肉氣味主治燕卵黃主消痰燕毛主治風氣味燕窩附方土燕集解肉

燕部藝文一

元鳥賦

燕賦

燕賦

燕贊

晉夏侯湛

盧湛

傅咸

郭璞

燕頤

燕巢賦

秋燕辭巢賦

燕賦

諠沙燕賦有序

感去燕賦有序

燕部藝文二

短歌行

擬古

詠雙燕二首

雙燕詩

又詠新燕

和晉安王詠雙燕

詠簷燕

贈杜客成

雙燕離

詠燕燕于飛應詔

詠銜泥雙燕

賦得戲燕俱宿

同獄者嘆獄中無燕

燕巢車幕

詠燕

雙燕

歸燕

燕子來舟中作

雙燕離

辛氏後魏

唐樊晦

侯喜

明徐守銘

顧璘

區大相

魏明帝

晉陶潛

宋鮑照

梁簡文帝

同前

庾肩吾

前人

吳均

沈君攸

陳江總

蕭詮

隋虞世基

唐李嶠

沈佺期

宋之問

張九齡

杜甫

前人

前人

李白

燕

燕

燕

燕

燕

燕

燕

燕

燕

燕

燕

燕

燕

燕

燕

燕

燕

燕

燕

燕

燕

燕

燕

燕

燕

燕

張鷟

齊元衡

劉禹錫

白居易

前人

韋應物

錢起

皇甫冉

章孝標

杜牧

前人

李商隱

趙嘏

李山甫

秦韜玉

司空圖

鄭谷

徐璧

顧况

楊巨源

李益

張祜

武璣

王建

吳融

王穀

春來燕

杜荀鶴

春燕

劉兼

歸燕詞

李建勳

新燕

成彥雄

燕

李中

燕來

韋莊

燕

羅隱

燕

徐夔

來鳳詩

宋韓琦

擬張九齡詠燕

梅堯臣

燕

前人

又

前人

燕

宋祁

燕

王安石

又

前人

次韻王適新燕

蘇轍

雙燕

范成大

歸燕

張維

燕

陸游

又

前人

迎燕

葛天民

贈燕

葛起耕

元鳥至

王十朋

飛燕

李曾伯

燕雀

夏竦

燕子

劉子翬

詰燕

戴復古

燕

嚴羽

燕子樓

文天祥

田器之燕子圖

金應鑄

簪堂燕并序

李俊民

贈燕

李晏

燕

田琢

燕子圖

王良臣

燕子圖

李獻能

獄中見燕

王庭筠

燕子

李純甫

雨燕

元劉秉忠

詭燕

馬祖常

新燕

張弘範

雛燕

前人

燕子行

吳師道

京城燕

葛羅祿適賢

燕子詞一首

楊維禎

睡燕

謝宗可

燕

宋无

題蒲塘雙燕圖爲劉小齋作

成廷珪

燕

劉壘

禽蟲典第二十四卷

燕部彙考

釋名

燕詳經

元鳥禮記

鷦鷯莊子

天女古今注

胡燕西陽雜俎

神女中華古今注

游波本草

土燕本草

鷺周詩正義

鷽爾雅

鷽鳥古今注

漢燕西陽雜俎

越燕西陽雜俎

蛇燕爾雅

石燕本草

燕圖



詩經

邶風燕燕

燕燕于飛差池其羽又燕燕于飛頡之頡之又燕燕于飛下上其音

燕燕也燕之于飛必差池其羽飛而上曰頡飛而下曰頡飛而上曰上音飛而下曰下音差池

其羽謂張舒其尾翼正義釋鳥云楊周燕燕郭璞曰別三名舍人曰楊周名燕燕又各名郭璞曰一名元鳥齊人呼此燕即今之燕也古人重言之

漢書童謠云燕燕尾涎涎是也差池往來之貌實翼而兼言尾以飛時尾亦舒張故也鳥有羽翼猶人有衣服以羽之差池喻顧視衣服既飛而有上下故以頡之頡之喻出入前却既上下而有音聲故以上下其音喻言語大小

禮記

月令

仲春之月元鳥至至之日以太牢祠于高禘正義元鳥燕也燕以施生時舉人堂宇而生乳故以其至為祠祿祈嗣之候

仲秋之月元鳥歸

正義歸謂去蟄也凡鳥隨陰陽來不以中國為居物之蟄近在本處今元鳥之蟄雖不遠在四裔必於幽僻之處非中國之所常見故云不以中國為居陳仲春言元鳥至此言歸明春來而秋去也

爾雅

釋鳥

燕燕正義

燕燕

燕燕正義

燕燕

燕燕正義

注詩云燕燕于飛一名元鳥齊人呼此燕即今之燕

名郭云一名元鳥齊人呼此燕即今之燕

古人重言之詩云燕燕于飛漢書童謠云燕燕尾涎涎是也孫炎舍人以楊周燕燕郭鳥一物三名郭所不取也註詩云燕燕于飛者詩即風衛莊姜送歸妾之詩也云一名元鳥者按月令仲春之月元鳥至以其色云故謂之元鳥是也云齊人呼郭者案商本紀云簡狄行浴元鳥墮其卵取而吞之因孕生契諸緯候皆言簡狄吞卵而生契是元鳥又名郭也

春秋緯

運斗樞

瑤光星散為燕

返家周書

時訓解

春分之日元鳥至元鳥不至婦人不勳

白露又五日元鳥歸元鳥不歸室家離散

大戴禮記

夏小正

二月來降燕乃燕燕乙也降者下也言來者何也莫能見其始出也故曰來降言乃燕何也燕者聘也聘者視可為室者也百鳥皆曰巢窠穴取與之室何也

摻泥而就家人入內也

九月陟元鳥蟄陟升也元鳥者燕也先言陟而後言蟄何也陟而後蟄也

禽經

愛類水行

燕燕

元鳥愛其類

元鳥燕也朝奇而暮偶愛其類也

色合五方

元鳥以象北方水行

古今注

燕別名

燕一名天女又名鷦鳥

抱朴子

僊藥篇

千歲燕其巢戶北向其色多白而尾屈取陰乾永服

一頭五百歲

述異記

燕胡髯

燕之千年生胡髯

酉陽雜俎

燕

凡狐白貉鼠之類見燕則毛脫或言燕蟄於水底舊說燕不入室是井之虛也取桐為男女各一投井中燕必來冒斑黑聲大名胡燕其巢有容正素練者世說蟄泥為巢聲多稍小者謂之漢燕陶勝力注本草云紫質輕小者是越燕冒斑黑聲大者是胡燕其作巢喜長越巢不入藥用越於漢亦小差耳

千歲燕齊魯之間謂燕為乙作巢避戊己元中記云千歲之燕戶北向述異記云五百歲燕生胡髯中華古今注

物類相感志

燕

燕子戊日不歸家

補禽經

狂貯

燕以狂貯

埤雅

燕

九章算術曰五雀六燕飛集於衡衡週平一雀一燕

飛而易處則雀重而燕輕今其疑一書已_{已字上}

*其日皆土故燕之往來避社而噉土不以戊己簡

口布翅枝尾齊人呼訖蓋取其鳴自呼故曰訖也一

名元鳥蓋取其色之元故曰元鳥也一名鷦鷯莊周

所謂鷽鷽者也鳥莫知于鷽鷽目之所不宜處不給

視雖落其實棄之而走其畏人也而襲諸人間此燕

安之道也故其字又為燕安之燕詩曰鷽鷽在涇公

尸來燕來寧燕與鷽鷽皆有安樂之義故其序以為

太平之君子能持盈守成神祇祖考安樂之也詩曰

天命元鳥降而生商言天命元鳥下而生商故簡狄

吞其卵而生契淮南子曰契生於卵此之謂也又曰

燕燕于飛差池其羽燕燕于飛頤之頤也燕燕于飛

下上其音差池其羽言其羽相與差池頤之頤之言

其飛一上而一下下上其音言其鳴一下而一上禽

經曰鳥向啼背樓燕背飛向宿背飛頤頤是也述異

記曰燕之千年生胡髯天元主物簿云戴王之鵲巢

於竹與燕同羣蓋燕能識實元官太仙書云夏小正

曰元鳥至至者入人室屋也一曰衡為鷽鷽為燕

爾雅翼

燕

燕有兩種越燕小而多聲頤下紫巢于門楣上謂之

紫燕亦謂之鷽燕胡燕比越燕而大廳前白質黑章

其聲亦大巢懸于大屋兩椽間其長有容匹素者謂

之蛇燕古皆謂之元鳥齊魯謂之乙取其鳴自呼其

字乙叩首下曲與甲乙之字少異而音不同其尾岐

分故物或取象燕尾尤為光澤故漢書曰燕燕尾凝

凝曰美好之貌也以春分來而秋分去開生之候其

來主為孚孔蕃滋故古者以其至之日祀高禴以謂

子契因是而生故詩曰天命元鳥降而生商或曰契

母簡狄吞乙卵而生契故契號元王賜姓子氏成湯

紹其祖而字天乙後代以子加乙為孔氏乙至得子

則名加而字孔子又人及鳥生子謂之乳亦从乙从

孚荆楚之俗燕始來歸有入室者以雙箸擲之令人

有子皆燕為生子之驗然稱爾狄之吞卵似乎不然

予按帝少皞以元鳥為司分之官或者簡狄之家有

娥氏之先在少皞時嘗為之尊其先故曰降契以元

鳥氏之出故宅殷土芒芒廢大如春秋傳所謂夷鳩

氏始有齊地云耳何必吞乙卵而後為命元鳥也哉

燕之居甚安古以為燕居燕享之燕然安不可懷故

又有燕安鳩毒之戒至其去也多藏深山大空木中

無毛羽或盤藏坻岸中亦云入水為鰲蛤淮南子云

燕之為蛤是也今人言鰲是蛟類吐氣為樓臺伺燕

栖集則食之又言龍食鰲燕水枯竭者投之立涿今

人亦投之以求雨人食燕則不可以適河然則燕與

蛟鰲鰲蛤之氣相往來蓋亦類也燕之來去皆避社

又戊己日不取土以戊己字書其巢土則去之豈社
主于土戊己又土位土克水燕之所避歟說文燕作
巢避戊己

本草綱目

燕釋名

李時珍曰燕字篆文象形乙者其鳴自呼也元其色

也鵲鷽食之則死能制海東青鵲故有鷽鳥之稱能

典波祈雨故有游波之號雷敦云海鳩江枯投游波

而立汎是矣京房云人見白燕主生貴女故燕名天

女

集解

別錄曰燕生高山平谷弘景曰燕有兩種紫胃輕小

者是越燕不入巢用有斑黑而聲大者是胡燕可入

巢用胡燕作窠長能容客二正絹者今人家富也若巢

戶北向而尾屈色曰者是數百歲燕仙經謂之肉芝

食之延年時珍曰燕大如雀而身長爾口豐頤布翅

岐尾背飛向宿營巢避戊己日春社來秋社去其來

也銜泥巢于屋宇之下其去也伏氣蟄於窟穴之中

或謂其度海者謬談也元鳥至時祈高禴可以求嗣

或以為吞燕卵而生子者怪說也或云燕蟄于井底

燕不入屋井虛也燕巢有艾則不居凡狐貉皮毛見

燕則毛脫物理使然

肉氣味

酸平有毒

陶弘景曰燕肉不可食損人神氣入水為蛟鰲所吞

亦不宜殺之時珍曰淮南子言燕入水為鰲蛤故高

誘註謂蛟鰲鰲燕人食燕者不可入水而祈禱家用

燕召龍勿謂燕乃蠶而不化者化蛤之說未審然否但燕肉既有毒自不必食之

主治

別錄曰出痔蟲瘡蟲

胡燕卵黃主治

別錄曰卒水浮腫每吞十枚

秦燕毛主治

李時珍曰解諸藥毒取二十七枚燒灰水服

尿氣味

辛平有毒

主治

別錄曰蠱毒鬼症逐不祥邪氣破五癰利小便熬香用之頤曰胡洽治疰病青羊脂丸中用之蘇恭曰療痔殺蟲去目醫孫思邈曰治口瘡瘡疾弘景曰作湯浴小兒驚癇

燕窩

王世懋閩部疏燕窩菜竟不辨是何物漳海邊已有之燕飛渡海中翻力倦則擲置海面浮之若杯身坐其中久之復銜以飛陳懋仁泉南雜記閩之遠海近番處有燕名金絲者首尾似燕而甚小毛如金絲臨卵育子時羣飛近沙泥有石處啄蠶螺食有詢海商聞之土番云蠶螺背上肉有兩肋如楓蠶絲堅潔而白食之可補虛損已勞瘵故此燕食之肉化而助不化并津液嘔出結為小窩附石上久之與小雛鼓翼而飛海人依時拾之故曰燕窩而予近聞之漳人殊為不然燕窩國大海中有高山冬月羣燕來巢其上燕矢之厚沒人兩膝春取小魚鱗之窩中燕窩食

夷領我中國貪人取之林中窩毀子墜顛覆闌干燕之雄雄羣然悲鳴傷物特甚嗚呼誰謂燕窩蔬房哉生命之苦過火燬刀割矣蘇長公謂雖八珍之美投箸而不忍食此物此志耶

附方

解毒毒藏器曰用燕屎三合炒獨蒜去皮十枚和搗

丸梧子大每服三九蠱當隨利而出

脈瘕疾藏器曰燕屎方寸匕發日平旦和酒一升令

病人兩手捧住吸氣慎勿入口害人

下石淋用燕屎末以冷水服五錢旦服至食時當尿

石水下

通小便用燕屎豆豉各一合糊丸梧子大每白湯下

三九日三服

止痛用燕屎尿丸梧子大於疼痛處咬之九化即疼止

方步

小兒卒驚似有痛處而不知用燕窠中糞煎湯洗浴

之方

土燕集解

孟詵曰燕在乳穴石洞中者冬月采之堪食餘月止

可治病炳曰石燕似蝙蝠口方食石乳汁時珍曰此

非石部之石燕也廣志云燕有三種此則土燕乳於

巖穴者是矣

肉氣味

甘暖無毒

主治

日華曰壯陽暖腰膝添精補髓益氣潤皮膚縮小便

禦風寒嵐瘴溫疫氣

孟詵曰治法取石燕二十七枚和五味炒熟以酒一斗浸三日每夜臥時飲一二盞甚能補益令人健力能食

燕部藝文一

元鳥賦

晉夏侯湛

觀羽族之羣類美元鳥之翔集順陰陽以出處隨寒暑而遊翬擢翮之麗容揮連翩之元翼挺參差之修尾發縹素之鮮色及至大火西景商風吹衣遂匿形於深穴斂六翮而不飛合靜泊以充肌瞻至和之精粹澹恬心以去欲故保生而不墮虞衆物之爲害獨棄林而憑人不驚畏以自疏永歸馴而附親有受祥而皇祇故遺卵而生殷惟帝皇之嘉美置高祿以表神類鸞皇之知德象君子之安仁爾乃銜泥攜巢營居傳檣積一喙而不已終累泥而成屋拾柔草以自藉採懦毛以爲靡吐清惠之冷音永吟鳴而自足

燕賦

盧湛

爰集崇宇依於其榮布窠巢之列列孕子數之嚶嚶銓先後而均哺邁戶鳩之能爭於是族類偕長雌雄俱進頡頏水湄上下雲際嘲晰聞關倏忽調激來如隼擊去若鳬蹕斗建午而子指日在戌而後憩

燕賦

傅咸

有言燕今年巢在此明歲故復來者其將近剪爪識之其後果至焉

燕燕于飛差池其羽何詩人之是與信進止之有序秋背陰以龍潛春聯陽而鳳舉隨時宜以行藏似君子之出處惡焚巢之凶醜思林野之多阻諒鳥獸之難羣非斯人而誰與惟里仁之爲美託君子之堂宇邇來春而復旋意眷眷而懷舊一委身力無餘豈改適而更赴

燕贊

郭璞

燕燕于飛瑞娥以卯元王桓撥聖敬日遠商人是頌味之絃管

燕頌

辛氏

翩翩元鳥載飛載揚頡頏庭宇遂集我堂銜泥啄草造作室房避彼湫隘處此高涼孕育五子靡天靡傷羽翼既就縱心翔翔顧影逸豫其樂難忘

燕巢賦

唐樊晦

鳳凰集于梧桐鸛鳴巢于枳棘俱順時以適理盡攝生以自得豈如雕梁燕燕高巢以安息既開珉戶逐仙羽以長生或在玉筐馴主人而含識實有稟于元造妙無方兮何極頡頏金屋差池翠宮銜泥遠棟度勢巡空矯綺隱之華影愛羅幌之春風得地相賀分飛就功廣狹殊軌規模不同散形彬斑攢文準潛疊輕蕊而矜暖布重泥而訝濕迷似連珠形如聚粒霽光分曉出虛實以雙飛微陰合睽舞低檐而並入我室既真虛白自生逼之不懼撫之不驚故鳥鵲可循而窺也龜鱗協瑞于太平余所以觸物而作典惟燕雀之一鳴

秋燕辭巢賦

侯喜

漢落葉兮火星西流白露降兮萬物知秋嘉此燕之有感將辭巢兮命儻命儻兮焉求應節兮周遊去此集彼正爲良謀經北戶以一息度南軒而久留久留伊何我翼新整離華星之可戀怯高巢之夜冷得不下下其音翩翩其影射白日之淹留候令辰之光景乘秋而發且有便於風高養羽既成亦可知其路永况夫將適之所必能安據縱春乎此巢可居固難以久而不去克有攸往足觀來譽殺氣澄秋晴光滿曙當是美景此焉驚驚遂乃橫絕階墀遠謀原隰事必謀始翔而不集空長而矯翼彌高日暮而連飛轉急同發者或有不進後來者莫能相及巢兮徒有思其所耳

燕賦

明徐守銘

懿彼元鳥淪精瑤光賦之者壯妻送妾吞之者萌秋生商遺以丹書覆之玉筐或因釐釐而頭禿或爲擲釵而目傷燕燕于飛差池其羽吳宮既怨於被焚衛婦亦聞於繫纆嘉管輅之善占美王威之能賦若其視有娥之女培曲阜之城巢幕已危集衛益輕乘震雷而忽起賀大廈之方成若乃守分尾翅性知度己期景素之煙雲集馬樞之案几爲少皞而司分以高祿而見祀亦聞食之而不宜入水掘之而可以療饑有志詎知於鴻鵠見殺常因於疾黎京房術精既言於天女茅君仙去曾食于神芝

請沙燕賦

顧壽

河朔之野川崖壁起有鳥曰沙燕穴居穀化以陋見全厥類日夥人舟過驚則飛噪憑怒余與八垓

子惡其驕也並作賦諷焉

嗟彼沙燕翺翺川涸不巢而穴託體何卑族類冗瑣毛羽離綻大不盈握弱靡自持象惡玉叙棲憐華僚祥乖元卵貴失鳥衣壞塊墮尸風壤資饒明日弗照清風鮮吹童稚牧害蹂躪橫施莫假緇繳矧乎網置嗚呼是淫謀而維慮惡濕而居下者耶是賴以爲魚鳶以爲鼠者耶是泥啄而風舉者耶是旅獒羊以爲厲數者耶羽不飾旌旄肉不登鼎俎役伏而惡寒躁動而附暑譬之人倫穿窬是伍請付之露釜

感去燕賦

區大相

孟郁轉于旅寓京邸爲去燕賦以見志韓子曰始吾見斯燕之來也見其巢且育也茲又見其去也而吾久困羈旅欲歸未得於是重感而賦何羽族之微細類跡跡乎海澨懼皎潔之易汙常守黑以爲儀顧雕梁而並下繞室以棲遲其出入也逢鷹隼而不避其近狎也若鷗鳥之忘機且夫暑見寒伏春來秋去候時節而不愆豈改玉而改度異衆鳥之行藏視哲人之出處雖托身於華屋曾不陋乎茅舍採芳沫於芹津含春泥於蕙圃俯拾檀蕊仰枯搏絮將側翼以度簷乃斂翮而闔戶既拮据以成巢亦雌雄之共哺若乃大火移陸官風動塵蒼鷹始擊白馬來賓迤返故國羣飛別人若落葉之辭枝似枯蓬之絕根覺處堂之爲累審幕幕之未安嗣將舒而婀娜飛漸遠而盤桓潛暗穴以匿影避海濱而樂饒俟春和而景明復翔集以來斯於是金河遠戍幽閨怨女翼傳短書足縷紅縷途悠邈以難將情憑結而不叙而况京國遊人風塵遊旅悵公子之未歸盼空

巢而延佇

燕部藝文二

短歌行

魏明帝

翩翩春燕端集余堂陰匿陽顯節運自常厥貌淑美
元衣素裳歸仁服德雌雄頤頤執志精專潔行純良
衡土繕巢有式宮房不規自圓無矩而方

擬古

晉陶潛

仲春遘時雨始雷發東隅衆蟄各潛駭草木縱橫舒
翩翩新來燕雙雙入我廬先巢故尚在相將還舊居
自從分別來門庭日荒蕪我心固匪石君情定何如

詠雙燕二首

宋鮑照

雙燕戲雲崖羽翰始差池出入南閣裏經過北堂陰
意欲巢君幕層檻不可覓沈吟芳歲晚徘徊韶景移
悲歌辭舊愛銜淚覓新知

雙燕詩

梁簡文帝

可憐雲中燕旦去暮來歸自知羽翅弱不與鵠爭飛
寄聲謝飛鵠往事子毛衣瑣心誠貧薄巨忝節榮衰
陰山饒苦暮危節多動感豈但避霜雪當做野人機
雙燕有雄雌將日雨差池銜花落北戶逐蝶上南枝

桂棟本會宿虹梁早自寬願得長如此無令雙燕離
又詠新燕 同前

和晉安王詠雙燕

庾肩吾

可憐幕上燕差池弄羽衣夜夜同巢宿朝朝相對飛
街泥瞻樂善相賀奉英徽秋蟬行寂寞戀此未辭歸

詠舊燕

前人

雙燕集蘭閣雙飛高復低向戶疑新箔登巢識故泥
依欄本相賀近幕顧同棲

贈杜客成

吳均

一燕海上來一燕高堂息一朝相逢遇依然舊相識
問余何來遲山川幾行直答言海路長風駛飛無力
昔別縫羅衣春風初入帷今來夏欲晚桑蛾薄樹飛

雙燕離

沈君攸

雙燕雙飛雙情相思客色已改故心不衰雙入幕雙
出帷秋風去春風歸幕上危雙燕離街羽一別涕泗
垂夜夜孤飛誰相知左回右顧還相慕翩翩桂木不
忍渡懸目挂心思越路縈鬱摧折意不泄願作鏡鸞
相對絕

詠燕燕于飛應詔

陳江總

二月春暉暉雙燕理毛衣銜花弄葦靡拂葉隱方非
或在堂間戲多從幕上飛若作仙人履終向日南歸

詠街泥雙燕

蕭詮

街泥金屋外表瑞玉筐中學飛疑漢妾巢幕憚吳宮
爪截還猶短翼成新尚空詎並零陵石飛舞逐春風
賦得戲燕俱宿 隋虞世基

大廈初構與雲齊歸燕雙入正街泥欲繞歌梁向舞

閨偶爲仙履往蘭闌千里爭飛會難並聊向吳宮比
翼棲

燕

唐李嶠

天女伺辰至元衣澹碧空差池沐時雨頤頤舞春風
相賀雕欄側雙飛翠幕中勿驚雷八去猶冀識吳宮
同獄者嘆獄中無燕 沈佺期

何許乘春燕多知辨夏臺三時欲伴盡雙影未暮來
食藥嫌葦棘銜泥怯死灰不如黃雀語能雪冶長猜

燕巢軍幕

宋之問

非關憐翠幕不是厭朱樓故來呈燕領報道欲封侯

詠燕

張九齡

海燕何微渺乘春亦暫來豈知泥滓賤祇見玉堂開
繡戶時雙入華軒日幾迴無心與物競鷹隼莫相猜

雙燕

杜甫

旅食驚雙燕銜泥入此堂應同避燥濕且復過炎涼
養子風塵際來時道路長今秋天地在吾亦離殊方

歸燕

前人

不獨避霜雪其如憐侶稀四時無失序八月自知歸
春色豈相訪衆雜還識機故巢僮未毀會傍主人飛

燕子來舟中作

前人

湖南爲客動經春燕子銜泥兩度新舊入故園書識
主如今社日遠看人可憐處處巢居室何異飄飄托
此身暫語船檣還起去穿花帖水益霑巾

雙燕離

李白

雙燕復雙燕雙飛令人羨玉樹珠閣不獨棲金牕繡
戶長相見柏梁失火去因入吳王宮吳宮又焚蕩離
盡巢亦空憔悴一身在嬌雌憶故雄雙飛難再得傷

我寸心中

燕

張鷟

雙石身猶重銜泥力尚微從來赴甲第甫起一隻飛

歸燕

武元衡

春色獨芳非閒簷雙燕歸還同舊侶至來繞故巢飛

敢望煙霄達多慙羽翮微銜泥傍金砌拾葉到荆扉

燕

劉禹錫

雲海經時別雕梁長日依主人能一顧轉盼自光輝

朱雀橋邊野草花烏衣巷口夕陽斜舊時王謝堂前

燕飛入尋常百姓家

白居易

百鳥乳雛別秋燕獨蹉跎去社日已近銜泥意如何

不悟時節晚徒施工用多人間事亦爾不獨燕營窠

燕詩示劉叟

前人

梁上有雙燕翩翩雄與雌銜泥兩條間一巢生四兒

四兒日夜長索食聲孜孜青蟲不易捕黃口無飽期

黃爪雖欲斂心力不知疲須臾千來往猶恐巢中餓

辛勤三十日母瘦雛漸肥喃喃教言語一一刷毛衣

一旦羽翼成引上庭樹枝舉翅不回頭隨風四散飛

雌雄空中鳴聲盡呼不歸却入空巢裏啁啾終夜悲

燕燕爾勿悲爾當反自思思爾為雛日高飛背母時

當時父母念今日爾應知

燕銜泥

韋應物

銜泥燕聲嚶嚶尾涎涎秋去何所歸春來復相見豈

不解決絕高飛碧雲裏何為地上銜泥滓銜泥雖賤

意有營杏梁朝日巢欲成不見百鳥畏人林野宿翻

遭網羅俎其肉未若銜泥入華屋燕銜泥百鳥之智

莫與齊

賦得巢燕送客

錢起

能棲杏梁際不與黃雀羣夜影寄紅燭朝飛高碧雲

合情別故侶花月惜春分

檐燕

皇甫冉

拂水競何忙傍檐如有意翻風去每遠帶雨歸偏駛

合君裁杏梁更欲年年去

歸燕詞

章孝標

舊壘危巢泥已落今年故向社前歸連雲大廈無棲

處更傍誰家門戶飛

村舍燕

杜牧

漢宮一百四十五多下珠簾閉瑣窗何處管巢夏將

半茅檐煙裏語雙雙

歸燕

前人

畫堂歌舞喧喧地社去社來人不看長是江樓使君

伴黃昏猶待倚欄杆

越燕二首

李商隱

上國社方見此鄉秋不歸為驚皇后舞猶著羽人衣

拂水斜紋亂銜花片影微盧家文杏好試近莫愁飛

將泥紅蓼岸得草綠楊村命侶添新意安巢復舊痕

去應逢阿母來莫害皇孫記取丹山鳳今為百鳥尊

空梁落燕泥

趙嘏

春至今朝燕花時伴啼飛殘珠箔隔語近畫梁低

帷卷開窺戶林空暗落泥誰能長對此雙去復雙棲

燕

李山甫

每歲同辛苦看人似有情亂飛春得意幽語夜聞聲

整羽莊姜恨迴身漢后輕豪家足金彈不許汗雕檣

燕

秦韜玉

不知大廈許樓無顏已銜泥到座隅曾與佳人並頭

語幾回拋却繡工夫

燕

司空圖

從撲香塵拂面飛憐渠只為解相依經冬好近深爐

暖何必千巖萬水歸

燕

鄭谷

年去年來來去忙春寒煙暖渡瀟湘低飛綠岸和梅

雨亂入紅樓揀杏梁閑凡硯中窺水淺落花徑裏得

泥香千言萬語無人會又逐流鶯過短牆

春燕

徐璧

雙燕今朝至何時發海濱窺人向檐語如道故鄉春

空梁落燕泥

顧况

卷幕差池燕常銜濁水泥為黏朱履迹未等畫梁齊

舊點痕猶淺新巢緝尚低不緣頻上落那得此飛棲

宮燕詞

楊巨源

毛衣似錦語如絃日暖爭高綺陌天殘處野花畱不

得雙雙飛向御營前

賦得早燕送別

李益

碧草漫如絲來去雙飛燕長門未有春先入班姬殿

梁空繞復息簷寒欲欲還今至隨紅葉昔還悲素扇

一別與秋鴻差池詎相見

洞房燕

張祐

清曉洞房開佳人喜燕來乍疑釵上動輕似掌中回

暗語臨牕戶深窺傍鏡臺縱成正含思莫拂畫梁埃

感事

武璣

花間蝶滿枝花謝蝶還稀唯有舊巢燕主人貧亦歸

春燕詞

王建

新燕新燕何不定東家綠池西家井飛鳴當戶影悠悠
揚一遶簷頭一遶梁黃姑說向新婦女去年墮子汚
衣箱已能辭山復過海幸我堂前故巢在求食慎勿
愛高飛空中候為爾害辛動作巢在畫梁願得年
年主人愛

燕雛

吳融

掠水身猶重畏風力尚微瓦苔難定立檐雨忽喧歸
未識重溟遠先愁一葉飛街泥在他日兩兩占春輝

燕

王穀

海燕雙飛意若何曲梁嘔語聲多茅櫓不必嫌卑
陋猶勝吳宮燕爾寒

燕

歐陽炯

翻翻雙燕畫堂開送古迎今幾萬回長向春秋社前
後為誰歸去為誰來

春來燕

杜荀鶴

我屋汝嫌低不住雕梁畫閣也知寬大須穩擇安巢
處莫道巢成却不安

春燕

劉兼

多時鵲外語呢喃只要佳人捲繡簾大廈已成須慶
賀高門頻入莫憎嫌花間舞蝶和香趁江畔春泥帶
雨銜棲息數年情已厚營巢爭肯傍他簷

歸燕詞

李建勳

羽翼勢雖微雲霄亦可期飛翻自有路鴻鵠莫相嗤
待侶臨書幌尋泥傍藻池衙人穿柳還捎蝶繞花枝
廣廈來應偏深宮去不疑雕梁聲上下煙浦影參差
舊地人潛換新巢雀漫窺雙雙暮歸處疎雨滿江湄

新燕

成彦雄

纔離海島宿江濱應夢笙歌作近鄰減省雕梁並頭
語畫堂中有未歸人

燕

李中

豪家五色泥香銜得營巢太忙喧覺佳人夢雙雙
猶在雕梁

燕來

韋莊

去歲辭巢別近鄰今來空訝草堂新花間對語應相
問不是村中舊主人

燕

羅隱

不必嫌漂露何妨養羽毛漢妃金屋遠盧女杏梁高
野迴雙飛急煙晴對語旁猶勝黃雀在棲息是蓬蒿

燕

徐夔

從待銜泥濺客衣百禽靈性比他稀何嫌何恨秋須
去無約無期春自歸鳴鴉不容因自怪棟梁堪庇願
相依吳王宮女嬌相襲合整飛毛預奮飛

來鳳詩

宋韓琦

來鳳趨社期翩若天外至徘徊大廈間汲汲營巢意
中心有所托自謂得其地銜泥兩吻瘡日暮不少憩
主人愛高堂病爾如疣贅爾巢累膚寸長挺輒摧墜
胡為不識嫌又續前功棄何處無蓬茅自足為生計
不爾卵而覆其禍愈非細余既傷爾恩竊復探爾志
孜孜不忍去欲動主人義萬一憐其勤庶或息我類

巨棟既不提出處安且貴其能無報乎惟守信無二
年年應候來馴狎如兒稚雙雙軒戶前為君作嘉致
不學君家客去就惟勢利微羽一知歸至死不他詣

擬張九齡詠燕

梅堯臣

梅堯臣

眇眇雙來燕長年與社違任從新曆改只向舊巢歸
永日當人語輕寒逆雨飛自親梁棟憤不識海鷗機

燕

前人

前村春社畢今日燕來飛將補舊巢不嫌貧屋歸
街泥和草梗倒翅過柴扉豈比鷲丸鳥迎人欲拂衣

又

前人

雙燕銜泥日深堂拂玉琴不教關閣戶乃見主人心
掠水飛珠捷迎風去已禁短書猶可寄聊爾託微吟

燕

宋祁

翠檐文杏暖蘭橈舊巢空石吟休翻雨簾開且待風
飾叙聊伴鳳傳信官饒鴻欲問張公子蒼琅掩漢宮

燕

王安石

處處定知秋後別年年長向社前逢行藏似欲追時
節豈是人間不見容

又

前人

馬上逢歸燕知從何處來食尋舊巢去不帶錦書同
次韻王適新燕

蘇轍

好雨纖纖潤客衣新來雙燕力猶微似嫌春早無人
見故待簾開掠地飛南國花期知不遠中原寒劇未
應歸養難不怕巢成早記取朝朝為唇犀

雙燕

范成大

底處雙飛燕銜泥上藥欄莫致驚得去畱取隔簾看

歸燕

張維

社燕秋歸何處鄉羣雛齊老稻青黃猶能時暫棲庭
樹漸覺稀疎度苑牆已任風簷下簾幕却隨煙艇過
瀟湘前春認得安巢所應免差池揀杏梁

燕

陸游

春晝花明映柳纖燕歸勝事始能兼爭梁諄語驚幽
夢掠地斜飛避畫簾離食得蟲應自喜巢泥經雨更
頻添去來要自知時節嘗怪人嘲作附炎

又

前人

初見梁間鴈戶新銜泥已復哺雛頻只愁去遠歸來
晚不怕低飛打著人

迎燕

葛天民

咫尺春三月尋常百姓家為迎新燕入不下舊簾遮
翅濕沾微雨泥香帶落花巢成雛長大相伴過年華

贈燕

葛起耕

鎮日雙樓向畫梁有時飛去為誰忙得泥趁暖添芹
蔓掠水因風貼柳塘語重喚回芳草夢舞輕時臂落
花香五陵年少傷春恨書繫紅絲擬寄將

元鳥至

王十朋

昆蟲方啓戶元鳥亦知辰去自盲風候來逢化日春
深條煙雨濕廣廈羽毛新故壘尋遺跡雕梁拂舊塵
早鶯宜結友秋鴈不同賓嘉爾能知義無忘舊主人

飛燕

李曾伯

瞥見誰家燕窺鶯社日臨洛花移種否喚起故園心

燕雀

夏竦

燕雀紛紛出亂麻漢江西畔使君家空堂自恨無金
彈任爾啾啾到日斜

燕子

劉子翬

燕子營巢得所依銜泥辛苦傍人飛秋風一夜驚桐
葉不離雕梁萬里歸

詰燕

戴復古

去年汝來巢我屋梁間汙泥高一尺啄腥搗糝不汝

厭生長羣雛我護惜家貧惠愛不及人自謂於汝獨
有力不望汝如靈蛇銜寶珠雀獻金環來報德春風
期汝一相顧對語牙簪愁岑寂如何今年來於我絕
蹤跡一食簾幕盡畫堂間便視我廬為棄物

燕

嚴羽

巢破春雛半不存銜泥空傍主人門一生巧計輸黃
雀飲啄官倉長子孫

燕子樓

文天祥

自別張公子嬋娟不下樓遂令樓上燕百歲稱風流
我遊彭城門來弔楚王閣問樓在何處城東草如雪

田器之燕子圖

金龐鑑

田君才略燕雲客少年累有安邊策悔從軍硯取功
名直要橫馳沙漠北塞垣春雪白皚皚東風未放元
陰開烏衣之國定何許一雙燕子能飛來三年驛舍
安西道眼底驚花無夢到忽見低飛入短簷此身似
向邯鄲覺君居海東我中原相逢乃在窮廬前天涯
流落俱為客感時念遠空潸然長安何限高閣畫
夜風間開翠幕底事猜嫌不往依甘從此地風沙惡
土人嗜肉無人心一生七轍誇從禽有巢幸穩勿浪
出汝身未必輕千金朝來暮去益狎昵物我相忘情
意一但怪重裘積漸添元是西風催社日須知音巧
惟鷓鴣忽來坐隅如告辭我方畱寓未歸得為君忍
賦傷心詩詩成自述聊為戲繫足封之亦無意燕已
歸飛我未歸刁斗聲中忽驚驚旋頭夜落妖氛收嫖
姚凱凱歸神州玉關早喜班超入北海不聞蘇武畱
君才經世寧終枉幕府須賢來上黨別後歸期兩及
瓜人間秋燕十來往沉沉官舍紅芳稀葛衣燕居席

忘機忽聞巧語入簷戶大似相識來相依一飛簷外
窺庭樹一上屏山驚不去解足分明得帛書真是當
年畱別句天生萬物禽最微固耶偶耶吾不知古道
益遠交情醺朝思暮想雲遷移當時握手悲別離一
旦富貴棄如遺聞予燕歌應自疑慎無示之嗔我識

籌堂燕

李俊民

籌堂梁上巢燕將雛幾墮鼠計飛鳴哀訴者久之
主人得其情而護焉卒無所害夫砥礪之愛物物
皆爾感而為之賦且以戲克紹

陰陰池館落花泥出入通家獨見知曾過江上淘河
嚇又被東邊野雀欺且欺且嚇亦不惡奈有鼠輩窺
其兒兒方在卵卵何危哀鳴若訴奚勝悲主人能得
腹中事百計護持彼毒無所施羽毛養就刀剪齊離
雄相隨引雛飛尋常百姓家汝巢非汝宜春今來秋
分去莫忘烏衣巷裏時

贈燕

李晏

王謝堂前燕秋風又送歸向人如惜別入戶更低飛
海闊迷烟島樓高近落暉不知從此去幾日到烏衣

贈燕

田琢

幾年塞外歷崎嶇危難謂烏衣亦此飛朝向蘆花知有
為暮投茅舍重相依君憐我處頻迎語我憶君時不
掩屏明日西風悲鼓角君應先去我何歸

燕子圖

王夏臣

相別相尋積歲年人心不及鳥心堅填憤思義三生
債分付平安七字篇王謝烏兜疑誕說紹蘭紅線定
虛傳何如此段人親見舊話從今不直錢

燕子圖

李獻能

塞上光風已十霜仁心覆護獨難忘當時相送詩仍在此日重來話更長客舍花開新信息雲兜香冷舊昏黃主人得報君知否千古珠璣在錦囊

獄中見燕

王庭筠

笑我迂疎觸禍機嗟君底事入圜扉落花吹濕東風雨何處茅簷不可飛

燕子

李純甫

一別天涯十見春重來白髮一番新心知話盡春愁處相對依依似故人

雨燕

元劉秉忠

銜泥舊燕疊新巢來往如辭曲折勞蝸舍雖微足容爾書巢爭得幾多高

請燕

馬祖常

風雨池塘闌頽頽春來秋去一生忙世間多少寬閒境辛苦營巢傍屋梁

新燕

張弘範

海棠開後月黃昏王謝樓臺寂寂春柳外東風花外雨香泥高壘畫堂新

雛燕

前人

羽毛香潤應含蕊睡足雲兜力尚微喚母但能啾唧語戀巢猶倦往來飛薰風庭院簾初捲落日池臺人乍歸白鳳亦龍潭異事爭如隨分著烏衣

燕子行

吳師道

清江朱樓相對開去年燕子雙歸來東風吹高社雨歇一日倏忽飛千回翻身初向煙中沒掠地復穿花底出花飛煙散江冥冥城郭參差滿斜日無情遊子去不還短書寄汝秋風前繡簾不捲春色斷空梁泥

墜琵琶絃飛檐冉冉滿湘浦春盡天涯路修阻一夜相思柳色深獨上樓頭淚如雨

京城燕京城燕子三月盡方至南立狀如去有威而作

葛邲祿道賢

三月京城寒悄悄燕子初來怯清曉河堤柳弱冰未消鶯角杏花紅萼小王家簾幕重重垂街芹却向檐間飛托果未穩并桐堅翩翩又向天南歸君不見舊時王謝多樓閣青瑣無塵捲珠箔海棠花外春雨晴芙蓉葉上秋霜薄

燕子詞二首

楊維禎

燕子來時春雨香燕子去時秋雨涼鴛鴦一生不作客夜夜不離雙井塘

燕子樓頭入妾家燕來燕去惜容華祇因韓重相思骨化作湖中並蒂花

睡燕

謝宗可

補巢銜罷落花泥困頓東風倦翼低金屋畫長隨蝶化雕梁春盡怕鶯啼魂飛漢殿人應老夢入烏衣路轉迷却怪捲簾人喚醒小橋深巷夕陽西

燕

宋无

銜得香泥去花間日午時玉人方睡起莫訝捲簾遲題蒲塘雙燕圖爲劉小齋作

成廷珪

昭陽池館晚風微花落果空去未歸却是蒲塘春水闊年年還傍小齋飛

燕

劉壘

萬里來從海外村定巢時聽語頻頻簾風半捲重門曉社雨初晴二月春尾上繫詩成往事掌中學舞是前身華堂茅屋依然在幾處相逢舊主人

欽定古今圖書集成博物彙編禽蟲典

第二十五卷目錄

燕部藝文三 詩詞

雙燕離

明劉基

賦得燕燕于飛

前人

燕燕于飛

高啓

燕至

前人

雪中燕

楊基

燕

李東陽

雙燕曲

徐禎卿

燕

楊慎

和顧汝和玉河見白燕二首

朱誦

燕

汪道昆

白燕

袁孝

白燕次希大韻

顧清

白燕

儲曜

白燕

袁凱

杏花雙燕圖

王錫爵

恭題皇上所賜白燕雙杏畫扇

趙用賢

應制恭題畫扇

張居正

燕子次杜工部韻

何景明

感燕

金鑾

雙燕離

吳鼎芳

燕至

朱謀璋

雙燕篇

王廷相

社燕吟

朱應登

燕銜泥

張若義

綠楊雙燕圖

高棟

空梁落燕泥

皇甫汈

客中見新燕

王恭

題綠柳紫燕圖

王袁

土燕

費象

燕

吳子孝

春燕

潘之恆

見新燕

陳子龍

詠新燕

郭金臺

送燕以上詩

僧實訪

雙雙燕張翥

宋史達祖

路莎行春燕

無名氏

燕部選句

以上詞

燕部紀事

燕部雜錄

燕部外編

禽蟲典第二十五卷

燕部藝文三 詩詞

雙燕離

明劉基

雙燕營巢時雙飛復雙語輕盈柳陌風振迅芹塘雨
巢成近繡幃雙宿更雙飛爲蒙主人愛不信有睽違
四月溫風起榴花發紅藥拾蟲還哺雛出入無停費
五月敷雛飛繞巢舞烏衣側避蛛絲過斜索柳線歸
六月雛翼老分飛各自保脈脈傍珠簾依依紫蘭楹
世事有轉旋陵谷一朝遷昆明延劫火甲第化秋烟

帶睡驚飛出塵沙兩相失死生不得知熈婉從茲畢

同看舊主人粉黛成灰塵天高雲渺渺海闊波鱗鱗

荏苒朝還暮惻惻向何處毛凋半夜霜淚滴三春露

露寒霜又濃憔悴不成容同心諒難隔魂魄終相從

賦得燕燕于飛

前人

小院百花香輕簾雙燕翔影隨春陌近簾入午風長

起蝶翅雕砌銜花赴彩梁空閨朝復暮徒切畫眉傷

燕燕于飛

高啓

燕燕何處飛相見江南路黃香細雨春柳色芳烟暮

纔從箔外歸復向舟前度莫入未央宮身輕有人妬

燕至

前人

初來如報社前春好宿茅檐伴客身莫入江南舊庭

院杏花風雨總無人

雪中燕

楊基

燕雪兩差池相兼拂繡幃玉樓迷故壘珠箔見烏衣

斜訝衝花落輕疑掠絮飛曉寒人未起還認畫梁歸

燕

李東陽

繡戶朱簾有路岐別時嫌早到嫌遲主家只解憐毛

羽泥盡雕梁不自知

燕

徐禎卿

風暖池塘得意春水芹煙草一回新傍花掠羽差差

影衝雨歸巢煦煦親眼底典衰王謝宅樓中思怨綺

羅人閒追往事如相話只有儂家似舊貧

雙燕曲

楊慎

有鳥名飛燕雄雌自相將飲君玉池水巢君文杏梁
美人當軒坐恐泥羅衣裳請君驅除之君憐不忍傷
雛生八九子嬌愛比鳳凰鳴聲何啾啾聞我庭東廂

習飛還不遠墮雙扉傍主人飛盧兒毛羽無摧狀
不啄五株桃不啖五畝糧秋風從西起翩翩向南翔
昔爲黃口兒今爲烏衣郎辭巢謝主人華屋思難忘
願主壽千歲歲歲巢君堂

燕

朱詩

三月巢乾雛未成茅堂來往日營營說殘午夢千聲
巧剪破春愁兩尾輕宮柳陰濃金鎖合水芹香細綠
波晴畫欄十二無人倚一半梨花一半鶯

和顧汝和王河見白燕二首

汪道昆

杏花桃葉盡芳菲曲水春風半掩扉玉羽乍窺池上
影霓裳如舞月中衣畫梁多是無心繞金屋誰同作
伴飛回首鳳笙雲路香離龍爭道不如歸

曾是烏衣國裏身玉樓瓊樹換風神雙飛剪出機中
素獨立粧成掌上人月下步搖花有態水邊飄動穠
生塵梁園詞客難成賦洛浦相逢總未真

燕

袁表

最愛堂前燕高飛忽復低趁風穿柳絮冒雨掠花泥
簾影朝雙舞梁塵晚並棲綠窗離思切腸斷各東西

白燕

顧清

海國年年傍社歸春來爭訝羽毛非不經孔穴移仙
骨似剪齊紈作舞衣已化玉釵空悵望未消紅縷故
依稀月明昨夜風簾動驚起還隨白練飛

白燕次希大韻

儲曜

歸來海國殘陰暗顧影翻疑夢未明莫渚掠翅宜月
落秋林辭去著霜輕却愁太潔還多忌所幸同羣不
異聲十載長安衣化盡爲渠搖曳轉關情

白燕

袁凱

故國飄零事已非舊時王謝見應稀月明漢水初無
影雪滿梁園尚未歸柳絮池塘香入夢梨花庭院冷
侵衣趙家姊妹多相忌莫向昭陽殿裏飛

白燕

時大本

春社年年帶雪歸海棠庭院月爭輝珠簾十二中間
捲玉剪一雙高下飛天下公侯誇紫領國中傳侶尚
烏衣江湖多少閒鷗鷺宜與同盟件釣磯

楊儀驥珠簾玉剪之句袁景文在座曰詩雖佳未
盡體物之妙廉夫不以爲然景文歸作詩翌日呈
之鐵厓擊節歎賞連書數紙盡散坐客一時呼爲
袁白燕以此得名李獻吉曰白燕詩最下最傳非
通論也

杏花雙燕圖

王錫爵

上苑丹葩照五雲乘風紫燕自爲羣乾坤不限陽和
色花鳥同嬉化日曠對語瓊林頻送喜銜泥瑤圖競
尋芬他時還應高祿候百子枝頭祝聖君

恭題皇上所賜白燕梨杏畫扇

趙用賢

春光韶蕩日初長白燕雙飛度苑牆千樹曉霞迷杏
豔一簾晴雪泛梨香迴風舞共花爲雨帶月看來羽
作裳莫向昭陽營舊壘君王原薄漢宮粧

應制恭題畫扇

張居正

羣芳爛漫吐春輝雙燕差池雪羽飛玳瑁梁間寒色
豔水晶簾外曙光微輕翻玉剪穿花過試舞霓裳帶
月歸一自銜恩金屋裏年年送喜傍慈闈

燕子次杜工部韻

何景明

燕子飛時江柳春眼看節序幾回新亦知社日歸鄉

國忍對秋風別主人舒卷不殊羣物理往來寧有百
年身空簾寂莫山堂夕惆悵花枝淚滿巾

感燕

金鑾

故園門巷近烏衣但見花開燕子飛一自天涯與相
別可憐春盡未知歸綠楊庭院傳聲香芳草池塘顧
影稀何處修梁更堪寄日斜江上倍依依

雙燕離

吳鼎芳

雙燕飛飛不隻棲銜春歸柳巷弄水出花溪驚風
起雙燕離一雄復一雌一東復一西含啼悲宛轉顧
影復差池青天一萬里遙繫長相思峴嶺桂嶺不可
度雲耕日暮迷煙霧秋去春來如可逢寧辭萬水千
山路

燕至

朱謀埠

雙燕篇

王廷相

芳草無數綠雜花相間紅誰將雙燕來一一舞春風
雙燕雙飛尾涎涎入閣穿簾每相見誰家繡幕黃金
牀對此躊躇空斷腸春花秋月一回改別去人間復
相待遙天遼海不作難年年社日捲簾看燕子出門
如汎梗憔悴孤鸞鏡中影

社燕吟

朱應登

不忍輕飛去低徊繞井欄情知歸計決祇爲別巢難

燕銜泥

張若義

登君堂仍故巢豈無新居實憚勞

綠楊雙燕圖

高棅

三月白門道垂楊千樹花君看雙燕子飛去入誰家
門巷失故壘時來拂枝斜春風更相惜莫與亂樓鴉
空梁落燕泥

皇甫汈

金閨春色早玉關芳信賒人歸離後燕淚盡每先花
戶暗香泥積梁低舞影斜不作雙飛去東鄰王謝家

客中見新燕

王恭

可憐江上燕幾日到烏衣欲向誰家去多應舊主非
落花深巷小喬木書梁稀自笑天涯別秋風想未歸

題綠柳紫燕圖

王褒

綠柳夏依依差池元鳥飛蹴花隨別騎銜絮點征衣
隋渚晴烟翠臺夕照微衙門相託久應傍主人歸

土燕

費家

利背穿虛壤卑棲足自支晚歸先認穴春哺亦知時
避隼棲林莽隨蟲掠水澗畫梁原不愛於世更何疑

燕

吳子孝

數見沙頭燕翩翩故傍人定知巢已就偏愛語相親
碧樹江波闊烏衣故國春卷簾誰為汝飄泊數沾巾

春燕

潘之恒

海燕留空壘逢春幾度歸引雛將暗暗識主故依依
解語欺黃鳥謀身尚黑衣莫嫌泥滓汗曾向玉樓飛

見新燕

陳子龍

春風吹蕙草送汝出瑤臺來往常相並飛鳴何所哀
香泥新歲淺綺戶隔年開况有高樓婦交河戍未迴

詠新燕

郭金臺

舊侶招何處瀟湘路不迷停雲思傍主惜羽欲封泥
廈屋樓難定空梁語暫低健飛先就暖早曉到應齊

送燕

僧實訪

晚稻花香處西風送爾歸路長誰是主社遠漸無依
故壘殘煙斷虛檐落葉稀春來芳草遍莫忘舊柴扉

雙雙燕 原委

宋史達祖

過春社了度簾幕中間去年應冷差池欲住試入舊
巢相並還相離梁藻井又輕語商量不定飄然快拂
花梢翠尾分開紅影芳徑芹泥雨潤愛貼地爭飛
競誇輕俊紅樓歸晚看足柳昏花暝應是樓香正穩
便忘了天涯芳信愁損翠黛雙蛾日日畫欄獨凭

踏莎行

春燕

無名氏

花徑爭穿珠簾屢認正逢梅雨芹泥潤畫梁無處可
安巢玉纖為把花枝襯社日纔來端陽已近尋巢
為甚偏遲鈍算來一似鳳鸞期踐此漸覺無真信

燕部選句

古詩思為雙飛燕銜泥巢君屋

魏明帝詩哀彼失羣燕喪偶獨煢煢

晉陶潛詩往燕無遺影來燕有遺聲

梁簡文帝詩摘梅多繞樹覓燕好窺簷

陳江總詩二月春暉輝雙燕理毛衣

唐駱賓王詩簷前歸燕並頭棲

蘇頲詩息燕歸檐靜飛花落院間

李白詩宮鶯嬌欲醉簷燕語還飛

燕部紀事

史記殷本紀殷契母曰簡狄有娀氏之女為帝嚳次
妃三人行浴見元鳥墮其卵簡狄取吞之因孕生契
竹書紀年殷商成湯初高辛氏之世妃曰簡狄以春
分元鳥至之日從帝祀郊禘與其妹浴於元丘之水
有元鳥銜卵而墜之五色甚好二人競取覆以二筐
簡狄先得而吞之遂孕剖而生契
史記秦本紀秦之先帝顓頊之苗裔孫曰女脩女脩
織元鳥墮卵女脩吞之生子大業大業取少典之子

杜甫詩震雷翻幕燕驟雨落河魚又遠鷗浮水靜輕
燕受風斜

劉禹錫詩遠來同社燕不見早梅花

白居易詩簷空愁宿燕

李紳詩潤魚思雨潤僮燕望雷蘇

李賀詩蒲如交劍風如薰勞勞燕怨酣春

顧況詩紫燕西飛欲寄書白雲何處逢來客

張祐詩雨燕銜泥近風魚噍網遲

宋林逋詩晚燕巢猶濕新簷舞未披

陸游詩新蟬落庭樹驚燕集屏風又多事林鳩管晴

雨依人海無度炎涼

曰女華女華生大費與禹平水土已成帝錫元圭再受曰非予能成亦大費爲輔帝舜曰咨爾費贊禹功其賜爾早游爾後嗣將大出乃妻之姚姓之玉女大費拜受佐舜調馴鳥獸鳥獸多馴服是爲柏翳舜賜姓麗氏

左傳昭公十七年秋鄭子來朝公與之宴昭子問焉曰少皞氏鳥名官何故也鄭子曰吾祖也我知之昔者黃帝氏以雲紀故爲雲師而雲名炎帝氏以火紀故爲火師而火名共工氏以水紀故爲水師而水名太皞氏以龍紀故爲龍師而龍名我高祖少皞氏之立也鳳鳥適至故紀於鳥爲鳥師而鳥名鳳鳥氏歷正也元鳥氏司分者也元鳥氏也元鳥氏也以春分來而秋分去

越絕書東宮周一里二百七十步路西宮在長秋周一里二十六步秦始皇帝十一年守宮者昭燕失火燒之

漂粟手贖呂后時冬十二月見未央宮前有一紫燕后以爲不祥使侍中陳當時逐之飛入殿內不得出值此馬方仰首而嘶遂飛入其口中便有紫雲覆于馬首頃之而滅當時奏狀后異之詔有司專視此馬後生駒日馳數百里因號曰紫燕

東昌府志燕子塚在縣南五里漢吳王濞構七國反齊王不同謀被殺既葬燕子銜泥塚上因名

漢書臨江王榮傳榮爲皇太子四歲廢爲臨江王三歲坐侵廟壙地爲宮上徵榮榮行祖於江陵北門既上車軸折車廢江陵父老流涕稱言曰吾王不反矣榮至詣中尉府封簿中尉都簿責訊王王恐自殺

韓藍田燕數萬銜土置塚上百姓憐之香案贖寶鼎元年貢琥珀燕置靜室之中時一鳴翔漢書五行志元帝建昭四年三月雨雪燕多死成帝綏和二年三月天水平裏有燕生爵哺食至大俱飛去京房易傳曰賊臣在國厥咎燕生爵諸侯銷一曰生非其類子不嗣世

陽朔四年四月雨雪燕雀死

成帝時童謠曰燕燕尾涎涎張公子時相見木門倉琅根燕飛來啄皇孫皇孫死燕啄矢其後帝爲微行出遊常與富平侯張放俱稱富平侯家人過河陽主作樂見舞者趨飛燕而幸之故曰燕燕尾涎涎美好貌也張公子謂富平侯也木門倉琅根謂宮門銅鐃言將尊貴也後遂立爲皇后弟昭儀賊害後宮皇子卒皆伏辜所謂燕飛來啄皇孫皇孫死燕啄矢者也曹州志漢丁太后定陶共王妃哀帝母也帝即位後迎居京師以建平二年崩帝爲起陵共皇之園送葬定陶貴族山東及王莽秉政貶號丁姬遣公卿子弟及諸生四縣十餘萬人操持作具助將作掘其陵二旬皆平時有羣燕數千銜土投于窀中復令填塚巍然

西京雜記元后在家嘗有白燕銜白石大如指墜后積篋中后取之石自剖爲二中有文曰母天地后乃合之遂復還合乃寶錄焉後爲皇后并置璽箭中謂爲天璽也

後漢書班超傳超詣相者相者曰祭酒布衣書生耳而當封侯萬里之外超問其狀相者指曰生燕頰虎類飛而食肉此萬里侯相也

搜神記魏黃初元年未央宮中有鸛生燕巢中口爪俱赤

魏景初元年有燕生巨穀于衛國李蓋家形若鷹吻似燕高堂隆曰此魏室之大異宜防鷹揚之臣于蕭牆之內其後宣帝起誅曹爽遂有魏室

魏志管輅傳館陶令諸葛原遷新與太守輅往祖饌之賓客並會原目起取燕卵蜂窠龍螭著器中使射覆卦成輅曰第一物含氣須變依乎宇室雄雌以形翅翼舒張此燕卵也第二物家室倒懸門戶衆多藏精育毒得秋乃化此蜂窠也第三物殼簾長足吐絲成羅尋網求食利在昏夜此龍螭也舉坐驚喜

吳志孫休傳永安六年白燕見於慈湖拾遺記魏禪晉之歲北闕下有白光如鳥雀之狀時飛翔來去有司問奏帝所羅之得一白燕以爲神物于是以金爲樊置於宮中旬日不知所所在論者云金德之瑞昔師曠時有白燕來巢檢瑞應圖果如所論白色叶于金德師曠晉時人也古今之義相符焉

宋書得瑞志晉惠帝元康元年七月白燕二見酒泉太守索靖以聞晉中興書中原喪亂鄉人遂共推郝鑒爲主與千餘家避難于魯國嶧山山有重險百姓饑饉野無生草掘野鼠蟄燕而食之

神仙傳葛元手拍林燕雀魚鼈之屬使之舞皆應絃節如人

晉書慕容儁載記儁攻鄴是時燕巢于僞正陽殿之西椒生三雛頂上有聖毛凡城獻異鳥五色成章儁謂羣寮曰是何祥也咸稱燕者燕鳥也首有毛冠者

言大燕隆興冠通天章甫之象也果正陽西椒者言至尊臨軒朝萬國之微也三子者數應三統之驗也神鳥五色言聖朝將繼五行之錄以御四海者也偶覽之大悅

涼州記呂光太安三年白燕遊酒泉郡黑燕別從

荆楚歲時記立春之日悉翦綠為燕戴之貼宜春二字

搜神後記沛國有士人姓周同生三子年將弱冠皆有聲無言忽有一客從門過因乞飲聞其兄聲問之曰此是何聲答曰是僕之子皆不能言客曰君可還內省過何以致此主人異其言知非常人良久出云都不憶有罪過客曰試更思幼時事人內食頃出語客曰小兒時當牀上有燕巢中有三子其母從外得食哺三子皆出口受之積日如此試以指內巢中燕雛亦出口承受因取三鶩笑各與食之既而皆死母還不見子悲鳴而去昔有此事今實悔之客聞言遂變為道人之客曰君既自知悔罪今除妄言訖便聞其子言語周正忽不見此道士

宋書符瑞志宋文帝元嘉元年七月壬戌白燕集齊郡城游翔庭宇經九日乃去衆燕隨從無數

元嘉十四年白燕集荊州府門刺史臨川王義慶以聞

元嘉十八年六月白燕產丹徒縣南徐州刺史南燕王義宣以聞

元嘉二十年五月白燕集南平鄉府內內史臧綽以聞

元嘉二十一年白燕見廣陵南兗州刺史廣陵王誕

以獻

元嘉二十四年五月辛未白燕集司徒府西園太尉

江夏王義恭以聞

元嘉二十五年八月壬子白燕見廣陵城南兗州刺史徐湛之以聞

元嘉二十六年五月戊寅白燕產衡陽王墓亭郎中令朱曠之獲以聞

元嘉二十七年五月甲戌白燕產京口南徐州刺史始興王浚以聞

元嘉二十七年六月壬辰白燕見秣陵丹陽尹徐湛之以獻

通鑑元嘉二十八年魏人破南兗徐豫青冀殺掠不可勝計所過郡縣赤地無餘春燕歸來巢於林木

宋書符瑞志孝武帝大明二年五月乙巳白燕產南郡江陵民家荊州刺史朱修之以獻甲子白燕二產

山陽縣舍南兗州刺史竟陵王誕以獻六月甲戌白燕產吳郡城內太守王翼之以獻

三年五月甲申白燕產武陵臨沅民家鄧州刺史孔靈符以聞

四年六月乙卯白燕見平昌青州刺史劉道隆以獻

明帝太始二年六月白燕見零陵復以獻

廣弘明集宋劉義隆時天竺僧求那跋摩將詣揚州路過靈鷲寺謂寺僧曰此間尋有異瑞兼值王者登臨其年果有羣燕共銜繡像委之堂中及齋主肅道

成初為始興太守遊於此寺而起白塔

南史張景仁傳霸城王整之姊嫁為衛敬瑜妻年十六而敬瑜亡父母舅姑咸欲嫁之載耳為誓乃止所

住戶有燕巢常雙飛來去後忽孤飛女感其偏栖乃以縷繫脚為誌後歲此燕果復更來猶帶前縷女復為詩曰昔年無偶去今春猶獨歸故人恩既重不忍復雙飛

賢奕宋末姚玉京嫁襄州小吏衛敬瑜衛溺水死玉京孀居有雙燕巢梁間一為驚鳥擊死一孤飛徘徊至秋止玉京臂微如告別玉京以紅縷繫足曰新春復來為吾侶也明年果至因贈詩曰昔年無偶去今年還獨歸故人恩義重不忍更雙飛自爾秋歸春來

凡六七年玉京死明年燕來周章哀鳴家人語曰玉京墳在東郭燕遂飛至墳所亦死每風清月明燕人見玉京與燕同遊漢水之濱

陳書馬樞傳樞目精洞黃能視閭中物常有白燕一雙巢其庭樹馴狎欄廡時集几案春來秋去幾三十年

魏書靈徵志太祖天興五年八月上耀軍寬谷見白燕一

太宗永興二年六月京師獲白燕

四年閏月京師又獲白燕

泰常二年六月京師獲白燕

太武太延元年白燕集於盛樂舊都元鳥隨之以千數

高祖太和二年三月白燕見于并州

八年四月白燕集于京師是月代郡獻白燕

二十三年八月荊州獻白燕閏月正平郡獻白燕

世宗景明三年六月涇州獻白燕